


初中學生文庫
中國喪地史

編者 謝彬

中華書局編印

民國二十五年二月印刷
民國二十五年二月發行



編者 謝彬

發行者 中華書局有限公司

代表人 陸費逵

印刷者 上海
中華書局印刷所

總發行處 上海福州路 中華書局發行所

分發行處 各埠 中華書局

初學
生文庫
中國喪地史 (全一冊)
◎ 定價銀二角五分

中國喪地史

目錄

第一章	緒論	一
第二章	清代盛時版圖	四
第三章	本國領土之喪失	一〇
第四章	藩屬領土之喪失	二六
第五章	領海及海峽之喪失	四四
第六章	軍港租借地域	四八
第七章	外國行政地域	五七
第八章	外國勢力範圍地域	六八
第九章	中俄劃界痛史	七三
第十章	結論	八二

中國喪地史

附中國喪失領土圖

中國喪地史

第一章 緒論

中國自清代乾嘉以後，政府當局，昏庸無識，喪失國權，不可勝計。他姑勿論，僅就領土領海兩權喪失之彰彰在人耳目者，輯成是書，以告邦人。一則以知吾祖先所艱難締造之版圖，若是其廣遠，而後人莫能保有之以殖中華民族。二則以明外人對吾領土領海之巧取強奪，而吾人蒙此奇恥大辱，竟若事過境遷，無關休戚。三則中俄兩國屢次會議，國人對於中俄劃界痛史，應有明確瞭解，以期收回成功。我爲此言，非欲邦人奮起排外，養成一種偏狹的愛國思想，如法蘭西人之乘歐戰奪回阿爾薩斯、勞蘭兩州；土耳其族之基瑪爾將軍，用兵力恢復所有失地，日尋干戈，以仇隣國。蓋欲邦人自茲以往，胥有明瞭領土領海之觀念，具知保持領土領海之利益，起而團結民族，競爭拓殖，移本部各省過剩之人民，以實滿蒙、新疆、康藏之荒野，令邊防不致空虛已爾。

再進一步言之，國人勿謂廢除一切條約，收回租界及領事裁判權與所有失地，爲事

實上所不可能。日本在今三十年前，與各國所締條約，與我今日正同。逮戰勝中俄，則始盡行廢除之。更觀暹羅近事，僅以民意與公理爲武器，而亦獲得獨立。我國苟能努力，奚獨不可效暹羅之所爲耶？況今蘇俄已自行放棄，德奧以戰敗關係，亦已犧牲者乎。蓋各國壓迫中國，垂數十年，良心實有未安，因之有華府會議之召集，惜結果未能實行耳。設我全民團結一致，向各國正式要求，此種目的，殆未有不能達到者。所可惜者，一般喪心病狂之徒，自私自利，從中橫生障礙耳。

在清季末葉，我國領土領海，喪失如是其多，從前雖由政府昏庸無能，對外著著失敗；而吾民族傳統思想之謬誤，亦當分任其咎。試取各國民衆與中華民族，對於領土領海之觀念及其行動，作一比較觀察，即可知其故矣。我則開闢領土以矜武功，彼則開闢領土用爲殖民；我視藩屬祇求朝貢虛榮，彼對藩屬務期實施統治；我則禁止人民出洋，對尋獲新地或創業新地者，斥爲奸民而加以斧鉞，彼則獎勵人民出洋，有尋獲新地或創業新地者，尊爲偉人而錫以上賞；我則向持閉關主義，罔識世界現勢，而輕棄邊地，彼則早事通商政策，順應時勢轉移，而爭攬海權；我國至光緒以後，猶存科舉陋習，地學附庸經史，彼自明朝

以來，即事科學研究，地學蔚爲專科，逐爲比較，優劣判然。列強對我領土領海，羣起巧取強奪，復何足怪！傳有之曰：『兼弱攻昧，取亂侮亡。』觀我民族過去之事實，果有所不忍言者。尤有進者，本書所述喪地，第就遺忘，割讓，勘界，贈與四點，與已明訂條約，有界可指者而言。而帕米爾高原，自烏仔別里山口至穆斯塔格格嶺間，新疆與英俄屬地接壤之一大段，自穆斯塔格格嶺，至貉耑野番部落，新疆一部，西藏全部及西康一部，與克什米爾，廓爾喀，尼泊爾，布魯克巴（不丹），阿薩密及緬甸交界之一大段，（此段僅哲孟雄與西藏一小部分，有中英印藏條約，明定國界。）及雲南自北緯二十五度以北，至貉耑野番接西康處，與自南丁河入潞江口至南板江與緬甸接界之兩小段，則皆未有條約之標明，亦未聞有牌博之分劃。我國所謂國界，非在冰河雪海，即屬密林深箐，其間喪地無從明瞭。倘得探險大家，由帕米爾高原，趨克什米爾之途，赴廓爾喀，布魯克巴之國，走阿薩密，緬甸之邊，詳詢中外疆界所在，則沿途土著番民，必能明指某某山口何屬，某某嶺脊何屬，而歷史與習慣上之國界，或者釐然可辨，不致如今日之在悶葫蘆也。方今大地有人滿之憂，強國勵殖民之策，荒漠冰島，寶若腴田，則茲未經勘明各邊，未始不可視爲樂郊樂國也。然則實行測勘，標

明界址，置牌堆博，編戶屬民，自更不容緩矣。

第二章 清代盛時版圖

中國開疆拓土，以漢唐元清四代，最稱極盛。漢逐匈奴，平南越及西南夷，又通西域，開朝鮮，已併有今之漢滿蒙回各部。唐代版圖東至於海，西逾葱嶺，南盡林州，北被大漠。元則拓地愈遠，除今北亞細亞之北部，南亞細亞之南部而外，莫不皆爲屬土，並且遠跨東歐，置亭列戍，其領域之廣遠，實視清代盛時有加。而愚此篇祇舉清代盛時版圖者，則有兩大理由：其一，民國承繼之版圖，直接於清季最後所有，今猶毫無變更；其二，今之漢滿蒙回藏各部，實際統一，實完成於清代，元於回藏，不過羈縻而已。

清以女真部落，奮起滿洲，入關以後，明祚遂移。中經順治，康熙，雍正，乾隆四朝，力征經營，疆宇日闢，統計盛時幅員，東亞細亞，中亞細亞兩部，固屬完全領有；即西亞細亞，南亞細亞大部分，亦皆藩邦羅列，領海所及，更駸駸乎東臨太平洋，西瞰印度洋焉。茲分爲本國，藩屬，領海三部，表列如左：

(甲) 本國各部位置及面積表

地	名	位	置	面	積
本部十八省		亞洲東部		一四、五六〇、〇〇〇	方里
滿洲 連庫頁島		本部東北境		三、六〇〇、〇〇〇	
內外蒙古		本部北境		八、九五二、〇〇〇	
新疆		本部西北境		三、七一六、〇〇〇	
青海		本部西境		一、九六〇、〇〇〇	
西藏		本部西南境		三、〇〇〇、〇〇〇	
臺灣		本部東南海島		一三〇、〇〇〇	
面積合計				三五、九一八、〇〇〇	

(乙) 藩屬各部位置面積及內附時期表

地

名 位

置 面

積 內附時期

琉球	東海中	五〇、〇〇〇 方里	明初
蘇祿	南洋羣島中	三〇、〇〇〇	清乾隆五年
朝鮮	黃海東岸	八〇〇、〇〇〇	元代
安南 卽越南	印度支那半島	一、三六〇、〇〇〇	歷代皆隸版圖五代始列外藩
暹羅	同上	三、〇四〇、〇〇〇	元代
南掌	同上	一七〇、〇〇〇	明初
緬甸	同上	一、四八〇、〇〇〇	元代
布魯克巴 卽不丹	喜馬拉雅山南	一二〇、〇〇〇	清乾隆元年
哲孟雄	同上	一〇〇、〇〇〇	清康熙五十九年
廓爾喀 卽尼泊爾	同上	三二〇、〇〇〇	清乾隆五十七年
乾竺特 卽坎巨堤	印度河北	九三、〇〇〇	清乾隆二十九年
博羅爾 卽帕米爾	同上	二七〇、〇〇〇	清乾隆二十四年

巴達克山	帕米爾高原	三一〇、〇〇〇	同上
阿富汗	伊蘭高原	一、八六六、〇〇〇	清乾隆二十七年
布哈爾	西土耳其斯坦	三、〇七〇、二〇〇	清乾隆二十九年
浩罕	同上	九二〇、〇〇〇	清乾隆二十四年
哈薩克	同上	三、二六〇、〇〇〇	清乾隆二十二年
布魯特	同上	四〇〇、〇〇〇	同上
面積合計		一七、六七九、二〇〇 方里	

(丙)領海及海峽位置形勢表：

名稱	位置	形勢
鄂霍次克海	介於庫頁島千島及堪察加半島之間	我國與俄共有之
日本海	介於吉林省朝鮮半島與日本三島之間	我國與日本共有之

黃海	介於遼寧山東江蘇及朝鮮半島之間	爲我國所獨有
渤海	在遼東半島山東半島環抱之內	爲我國所獨有
東海	介於江蘇南部浙江福建及日本國與琉球羣島之間	幾爲我國所獨有
南海	北起臺灣海峽南界巽他羣島東界菲律賓羣島西界麻刺甲半島在孟加拉灣介於印度與緬甸之間	幾爲我國所獨有 吾國當有其半
韃靼海峽	在庫頁島與黑龍江口之間	爲鄂霍次克海入日本海之門戶
宗谷海峽	在庫頁島與日本北海道之間	爲北日本海入太平洋之門戶
朝鮮海峽	在朝鮮半島與日本九州島之間	爲南日本海入黃海之門戶
渤海海峽	在山東半島遼東半島之間	爲黃海入渤海之門戶
臺灣海峽	在臺灣與福建省之間	爲東海入南海之門戶
巴士海峽	在臺灣島與呂宋島之間	爲南海東入太平洋之門戶
瓊州海峽	在瓊州島與雷州半島之間	爲廣州灣入東京灣之門戶

麻刺甲海峽

在馬來島半與蘇門答臘島之間

爲南海西入印度洋之門戶

綜上三表觀之：中國是時領土領海之廣大，實冠並世列邦。假令當時政府當局及一般國民，瞭解領土主權之宜維護而加充實；對於本國領土竭力開拓，移民實邊，不第腹地無人滿之患，而國防亦必日臻於鞏固，絕無後來喪地之辱。對於藩屬各邦，就地分設統監，綜理其內政外交，更廣興教育，使其人民漸歸同化，則此十八屬邦，當能至今隸我版圖。於是琉球、蘇祿兩羣島，巍然直接太平洋之門戶；朝鮮半島，足爲我國東北海防之屏藩；印度支那半島之安南、暹羅、緬甸、南掌四邦，足爲我國東南海防之屏藩；喜馬拉雅山南之布魯克巴、哲孟雄、廓爾喀、乾竺特四部，與蔥嶺以西之博羅爾、巴達克山二部，以及伊蘭高原之阿富汗一國，仍爲我國西面及西南面兩處陸防之重鎮；西土耳其斯坦之布哈爾、浩罕、哈薩克、布魯特四屬，亦必爲我西北陸防之屏障。對於領海，特籌抵禦歐勢東漸之策，將各重要領海及海峽，設置要塞，分駐軍艦，則在東方，黃海之險，固爲我所獨操，而鄂霍次克海、日本海之險，我皆佔其大半。一旦北洋發生戰事，我有鄂霍次克海、日本海兩區艦隊，遙爲黃

海聲援，不惟河北遼寧，鞏若金湯，卽朝鮮全境，敵亦不易入犯。其在南方，南海之險，爲我獨有；孟加拉海之險，亦我與人共之。苟在麻刺甲海峽，豫有要塞及艦隊之設備，則歐洲東來之門戶，早已爲我所扼，環南海之南洋羣島，必皆畏威懷德，盡隸我之版圖。一旦南洋發生戰事，既有南海海軍以資攻守，復有孟加拉海艦隊以爲後勁，不惟南洋羣島敵不易入，卽印度支那半島，亦必國防鞏固。南北既均有內海可守，更於東海軍區，組織中央艦隊，以綰南北樞紐，藉琉球臺灣蘇祿諸島，以臨太平洋面，進而統制太平洋海權，言戰言守，在在如意，一若今之英吉利，稱爲世界海王，無如事機坐失，海患日深，積弱之餘，寢至不能自保，可慨也已！

第三章 本國領土之喪失

吾國領土之喪失：有出於戰爭者，有出於贈與者，有出於勘界者，有出於遺忘者，如香港九龍司臺灣澎湖，因戰爭而喪失者也；東北之滿洲邊地，廣東之澳門，西藏之拉達克，因贈與而喪失者也；西北之新疆邊地，西南之雲南邊地，因勘界而喪失者也；黑龍江口之庫

頁島，色楞格河之下游平原，因遺忘而喪失者也。夫喪地之出於戰爭或贈與者，尙爲必不得已之事；至因勘界而喪地，因遺忘而喪地，則眞爲全民族之奇恥。蓋國人對於地理一科，未嘗研究，領土觀念，未嘗明瞭，自處弱昧，橫被兼攻，言念及此，羞與憤并矣！謹將本國領土所已經喪失者，次錄左方，以資愛國志士之參攷。至關中俄接壤各區，除分敘於本章者外，更綜合全部，另列中俄劃界痛史專章，以備將來作爲收還侵地之證據。敘事行文，胥用彼此互見之例，讀者其注意焉。

（一）庫頁島

庫頁島在黑龍江口外，面積三十萬方里。日本稱爲樺太島，俄人稱爲薩哈連島。據大清一統志、會典圖說、聖武記諸書所載：清未入關以前，卽已取得其地（事在明萬曆四十四年），收入版圖，惟未編置佐領，列入滿洲八旗，僅視同遐荒土番耳。故至明末清初，俄人次第東侵，於清乾隆初年，遂獲此島北部，輸送囚徒於其間，使開漁業鑛業。逮至乾隆五十四年以後，更於島之南岸母子泊，置政廳，設監獄，立教堂，駐紮防軍，大移民。當俄經營該島之時，日本松前藩士新井隆助，亦巡行至其南部，在西拉奴地方，建商埠，闢漁場，其後向北發展，遂與俄人發生爭端，屢議劃界而未果。明治維新以後，日政府遂於

是島置開拓使，實行統治。洎清光緒八年（一八七五年），日俄協約，俄以千島與日，交換庫頁南部，全島遂歸俄所獨有。日俄戰後，俄復割讓是島北緯五十度以南之地與日，是島遂分屬日俄兩國。但我國政府，始終未識此島爲我有也。

（二）吉林迤東沿海地。清咸豐九年，俄派伊格拉提夫，爲駐北京公使。適值天津和議破裂，英法聯軍入京，清帝出狩熱河，恭親王奕訢留守，俄伊使乘機，出任調停，勸奕訢媾和，我與英法遂訂北京和約。事後，伊使稱有斡旋之功，向我索烏蘇里江以東，至海濱之地。咸豐十年十月初二日，奕訢遂與俄使，締結北京續約十五條，割讓其地與之，面積凡一百三十餘萬方里，現屬俄國東海濱省。其關割地條文如次：

（1）兩國沿烏蘇里江、松阿察河、興凱湖、白稜河、瑚布圖河、琿春河及圖們江爲界；以東屬俄國，以西屬中國。

（2）由兩國派員秉公查勘，設立界牌。

（三）黑龍江東北沿邊地。自鴉片戰後，我開五口通商。俄之恰克圖商業，頓受影響。俄皇尼古拉一世，遂任穆刺福岳夫爲東部西伯利亞總督，畀以經略東方之任。穆固素抱

侵略黑龍江之大志者，決計通航黑龍江，使堪察加、庫頁諸地，得與西伯利亞本部聯絡。因率大軍駛入黑龍江，泊我瑗瑄都統聞知，俄軍已集境上，無力阻止，遂默認其通航。其時我國內有洪楊之役，外有英法聯軍之擾。俄使因由海道赴粵，與英法美三國公使會銜致書相裕誠，請派全權大臣至上海，會議各國善後事宜。清廷覆以英法美三國交涉，由粵省督清撫辦理。俄國交涉，由黑龍江辦事大臣辦理。穆乃於黑龍江方面，進行其謀畫。至咸豐八年，屯哥薩克兵一萬二千於黑龍江口，遣使告黑龍江將軍奕山，曰：『本總督奉政府緊急命令，遡返西伯利亞，將過瑗瑄，便道就商貴國從前答覆俄國交涉，由黑龍江辦事大臣辦理之事，但行色匆匆，不能詳加討論。』奕山據此奏聞，清廷即任奕爲全權大臣，迎穆至瑗瑄，開談判。奕山懾俄兵威，不敢多抗，遂於是年四月十六日，與穆締結瑗瑄條約，其關喪地各條如次：

(1) 黑龍江北岸，全爲俄國領土。但原住精奇里江以南之滿人，仍可永居原地，歸中國保護，俄人不得侵犯。

(2) 自烏蘇里江至東海岸之地，作爲中俄兩國公有地。